



Lappi dálkkádat- ja energiijastrategiija

Čoahkkáigeassu
mearrádusbargiide



Euroopan unionin
osarahoittama



Elinkeino-, liikenne- ja
ympäristökeskus



LAPIN LIITTO

Láidehus

Lappi dálkkádat- ja energiijastrategiija lea strategiijalaš áššegirji, mii gullá Lappi guovloovddidanvuogádahkii. Lappi eanangoddeprográmma dahjege Lappi-soahpamuša baji 2022–2025 mihttomearri lea leamaš goahcat dálkkádatrievdama ja dorvvastit luonddu girjáivuoda. Čitnaneutrála Lappi 2035 mihttomearri lea leamaš mielde Lappi-soahpamušas ja dálkkádat- ja luonddubargu lea ovddiduvvon ee. Lappi Green Deal -geaidnokárttá bokte.

Maiddá i ođđa Lappi-soahpamušbajis (2026–2029) mihttomearrin lea ásahuvvon čitnaneutrálavuohka jagi 2035 rádjái ja mihttomearrin luonddu- ja dálkkádatpositiivvalaš Lappi, mii ollašuhttojuvvo Lappi dálkkádat- ja energiijastrategiija bokte. Dálko bokte guovloovddideamis galgá vuhtiiváldit dálkkádat- ja energiijastrategiija mihttomeriid.

Lappi dálkkádat- ja energiijastrategiija čohkiida njealji strategiijalaš pláνας: dálkkádatrievdama goahcanplána (mihttomearrin geahpedit nuoskkidemiid), energiijastrategiija (mihttomearrin stivret energiijadoajáhaga), dálkkádatrievdamii vuogáiduvvanplána (mihttomearrin ovdadit ja ráhkkanit dálkkádatrievdama váikkuhusaide) ja dálkkádatgulahallama ja -searvevuoda plána (mihttomearrin ovttasbargu).

LLappi dálkkádat- ja energiijastrategiija lea ráhkaduvvon seammánammasaš EAKR-ruhtaduvvon joavkofidnus, man váldoollašuhtti leamašan Lappi EJB-guovddáš ja oasseollašuhtti Lappi lihttu. Strategiija bargamii leat oassálastán badjel 90 olbmo čanasjoavkofierpmádat, mii lea addán iežas áššedovdamuša strategiijabargui stivrenjoavkkus dahje iešguđet plánaid áššedovdijoavkkuin. Dasa lassin bargama áigge leat lágiduvvon 13 bargobáji, main unnimustá okta Lappi guđege ekonomalaš guovllus. Bargobájiide leat oassálastán badjel 200 olbmo iešguđet duogážiin ja organisašuvnnain. Dasa lassin lea lágiduvvon sierra ságastallandilálašvuohka sihke Sámedikkiin ja Lappi buresveadjinguovllu nuoraidráđiin.


Strategiija dárkilut iešguđetge plána mihttomearit ja doaibmabijut leat ovdanbuktojuvvon dán čoahkkáigeasus iešguđetge plána mielde. Lappi dálkkádat- ja energiijastrategiija vuodđuduvvá Suoma našuvnnalaš dálkkádatláhkii ja dasa laktáseaddji politihkkaplánaide. Vuosttaš mihttomearrejahki lea 2030, man dihtii olles strategiija árvvoštallan lea plánejuvvon dahkkojuvvot jagi 2032. Dan ovdal doaibmabijuid ovdáneami čuvvot, muhto čuovvovaš aitosas árvvoštallan ja mihttomeriid ja doaibmabijuid beaivádeapmi vástidit jagi 2040-mihttomeriide dahkkojuvvo easka 2030-logus.

Strategiija lea dohkkehuvvon Lappi eanangoddestivrras 15.12.2025.

Dálkkádatrievdama goahcanplána

Lappi dálkkádatrievdama goahcanplána ollašuhttá Lappi-soahpamuša dálkkádatmihttomeriid ja dárkkálmahtta Lappi Green Deal -geaidnokártta dálkkádatrievdama goahcama oasil. Das govvidit Lappi nuoskkideamiid, daid ovdáneami ja guovddáš nuoskkidangálduid, rahpet nuoskkidaneinnostusaid ja -nrielahagaid bokte nuoskkidangeahpedandárbbuid juksan dihtii mihttomeriid ja linnjejit guovddáš doaibmabijuid ja addet ávžžuhusaid doaibmabijuid ovddideami hárrái geahpedan dihtii nuoskkideamiid.

Lappis háliidit ollašuhttit dálkkádatbarggu, mii movttiidahtta, geasuha searvat mielde ja arvvosmahtta. Das gudnejahttojuvvojit luonddu ráját ja vuhtiiváldojuvvojit Lappi erenomášiešvuodát ja iešguđet ássiid. Lappi figgá leat čitnaneutrála jagi 2035 ja figgá Hinku-eanangoddin (Čitnaneutrála): Dasa lassin Lappi čatnasa našuvnnalaš dálkkádatlága mihttomeriide. Dáin šaddet goahcanbarggu kvantitatiiva mihttomearit:



Govva 1 Lappi dálkkádatrievdama goahcama kvantitatiiva ja áiggálaš mihttomearit.

Lappi nuoskkideamit


Lappi nuoskkideamit ledje jagi 2023 oktiibuot 1 339 ktCO₂e. Lappi nuoskkidemiin sullii njealjádas šaddá visttiid energiijagollamis dahjege golahanelefámu, elefápmoliggema, gáidduslieggasa, oljoliggema ja eará liggema nuoskkidemiin. Stuorámus ovttaskas nuoskkidangáldu dáin lea gáiddusliekkas. Maiddái geaidnojohtolaga nuoskkideamit leat sullii njealjádasa Lappi nuoskkidemiin ja dain stuorámus oassi hápmašuvvá personbiilajohtolagas.

Vádjit njealjádas nuoskkidemiin šaddá eanan- ja boazodoalus. Šibihiid dagahan nuoskkidemiin stuorámus oassi bohtá guohtumis ja bealdošaddadeamis eananvuođus. Eará nuoskkidemit Lappis šaddet ee. bargomašinnain, bázahusaid gieđahallamis ja smávvaindustriijas.



Bajábealde ovdanbuktojuvvon Hinku-rehkenastinmodealla nuoskkideamit govvidit daid nuoskkidemiid, maidda guovlluin sáhtta duođas váikkuhit. Dárkkodeami vuollásaš Lappi nuoskkideamit eai dakko bokte sisttisdoala ovdamearkka dihtii nuoskkidangávppi vuollásaš industriija dahje girdinjohtolaga, vaikke dat leatge mearkkašahtti nuoskkidangáldut Lappi dásis. Dát nuoskkidangáldut dárkkoduvvojit oassin goahcanplánas.

PÄÄSTÖJEN JAKAUMA 2023 — LAPPI



Govva 2 Lappi nuoskkidemiid juohkašuvvan nuoskkidansektoriidda j. 2023 Hinku-rehkenastima mielde

Guovddáš doaibmajut nuoskkidansektoriid mielde

Energiija

Molsut gáidduslieggasa gálduid, buoridit visttiid energijabeaktivuoda, molsut giddodagaid liggenvugiid, lasihit doarjaliggenhámiid, láhpaslieggasa ávkkástaddan ja iešguđet giddodagaid beavvášenergiijačovdosat.

Johtolat

Vuodjima geahpedeapmi, molsut geavahanfámu buhtes čovdosiidda, ovddidit sihkkelastinvejolašvuodaid, jierbmás johtolatordnestallamat ja johtolaga juohkinekonomiija.

Eanan- ja boazodoallu

Jávkadit daid lavdnjebealdduid šaddadangeavahusas ja máhcahit luonddudillái, mat buvttadit unnán, ja laktet čáhcegierraga ja šaddadit nješšiid lavdnjeeatnamiin.

Čitnanjieluid nannen

Lasihit vuovdešaddadeami, mas vuovddi gokčangeardi seailu oppa áigge, guhkidit vuvddiid johtoáiggiid, máhcahit lavdnjeeatnamiid luonddudillái, vuvddiid gutnadukten ja lasihit daid muorrabuktagiid oasi, mat lasihit čitnanjielu.

Čitnaluohta unnideapmi.

Uhcán nuoskkideaddji háhkamat, doarjut ealáhuslági suvdilvuodadoajáhaga, rievdadit golahanhárjánumiid ja geahpedit mátkeealáhusa nuoskkideami.

Ávžžuhusat guovddáš doaibmiide

Gielddat

Guovllu dálkkádatbarggu strategiijalaš jodiheapmi, energijabeaktivuoda buorideapmi ja searvan JETS-soahpamuššii, vátnačinat čovdosiid ja buhtes energijabuvttadeami ovddideapmi huksema stivrema ja lávvema bokte ja fitnodagaid ja gieldalaččaid doarjun dálkkádatbarggus gulahallama, rávvema, ovddidanfidnuid ja ovttasbarggu vugiiguin.

Eanangoddelihttu

Dálkkádatmihttomeriid integreren eanangotti strategiijalaš ovddideapmái, eanangotti dálkkádatbarggu bagadallan ja čuovvun, gielddaid doarjun ja gulahallama ovddideapmi, dálkkádatčovdosiid ovddideapmi lávvema bokte, johtolatortnegiin, čujuhemiin ruhtadeami ja maid ovdduidgohcima ja maidái ovttasbarggu vugiiguin.

Skuvlen- ja dutkanorganisašuvnnat

Dálkkádat ja gierdorgeavaekonomiijabarggu ovddideapmi skuvlejumi, rávvema ja studeanttaovttasbarggu bokte ja dakkár doaibmabirrása ovddideapmi, mii doarju suvdilvuoda.


Fitnodagat ja ealáhusláhki

Beavttálmahttit energijageavaheami, sirdašuvvat unnán nuoskkideaddji čovdosiidda, ovddidit dálkkádaga dáfus suvdilis fitnodatdoaimma, árvvoštallat dálkkádatváikkuhusaid investeremiin ja ávkkástaddat iešguđetlágan bargoneavvuiguin ja rávagirjjážiiguin nuoskkidangeahpedemiid doarjjan.

Energijastrategija

Lappi energijastrategijas giedāhallojuvvojit eanangotti energijaortnega ovddideami háltelinjját dálá dili analysa vuodul. Strategijain ráhkkanahhtit heiveheadji ja dássettolaš energijadoajáhaga ovddideami Lappi oasil, mii vuodđuduvvá guvllolaš, našuvnnalaš ja EU-dási energijai guoski nuppástusaide.

Strategijai leat čohkkejuvvon dieđut Lappi energijabuvttadeamis, -geavaheamis, -infrastruktuuris ja plánain dálá dilis. Strategijas ovdanbuktojuvvo višuvdna energijavuogádaga ovddideapmái ja dárkkodit njealji einnostusa jagi 2050 rádjái. Dálá dili ja ovdánangovaid vuodul ovdanbuktojuvvojit prinsihpat ja doaibmabidjoávžžuhusat energijavuogádaga ovddideapmái.



Govva 3 Lappi energijabuvttadeapmi ja -golaheapmi dahjege energijadásádat jagi 2023, GWh (Ramboll Oy). Stuorámus energijabuvttadeapmi šaddá industriija boaldámušain, čáhcefámuš ja oljjus. Čielgasit stuorámus energijageavaheadji lea industriija.

Energijavuogádaga ovdáneapmi

Lappi energijavuogádaga dálá dili ja doaibmabirrása ovdáneami analysa vuodul leat ráhkaduvvon njeallje einnostusa jagi 2050 rádjái hábmet boahtteáiggi vejolaš govaid energija hárrái Lappis.

- 1) Molsašuddi ođasmuvvama einnostus
- 2) Dássedis ođasmuvvama einnostus
- 3) Eanangotti rievdamá einnostus ja
- 4) Bisáneami einnostus.


Ovdánangovain árvoštallojuvvojit váikkuhusat ođasmuvvi energijai, čázaekonomijai, guovloekonomijai ja -ráhkadussii, birrasii ja sosiála dohkkehahttivuhtii. Buot einnostusain ođasmuvvi energija oassi Lappi energijabuvttadeamis lassána molsašuddi láhkai, muhto guovloovddideami ja eallinfámu dáfus lea dehálaš, ahte energijabuvttadeami máhttet buoridit maid guovllus bálvalit ealáhuslági dárbbuid.

Višuvdna

Energijastrategiija višuvdna jahkái 2050 lea

Mii dahkat vejolažžan energijadoajáhaga Lappis. Mii šaddadit árvolasi ja dahkat girjábun ealáhusráhkadusa suvdilis vugiin báikkálaččaid buorrin.

Višuvdna vuodđuduvvá golmma strategiijalaš mihttomearrái, mat stivrejit ovddideami višuvdna ollašuvvama várás eallinfápmu ja positiivvalaš dálkkádatváikkuhusat; sosiála dohkkehahttivuohta ja oktiiheiveheapmi ja luonddu girjáivuoha.



Govva 4 Energijavuogádaga ovddideami strategiijalaš mihttomearit: 1) Eallinfápmu ja positiivvalaš dálkkádatváikkuhusat, 2) Sosiála dohkkeheapmi ja oktiiheiveheapmi ja 3) Luonddu girjáivuoha (Ramboll Oy)

Prinsihpat energijavuogádaga ovddideapmái

Prinsihpaid mihttomearrin lea ovddidit dássedettolaš ja heivehalli energijadoajáhaga Lappis.

Jođihit dieđuin

-prinsihpa mielde lasihit rievttesaigásaš, luotheahtti ja báikkálaš dili vuhtiiváldi diehtobuvttadeami energijafidnuin mearrádusbargama doarjjan.

Šaddat ovttas

-prinsihpain čujuhit návccaid eanangottis buvttaduvvon energijja árvolasi lasiheapmái ja ovddosdikšumii laktáseaddji máhtu lasiheapmái, man bokte dorjojuvvo guovllu energijadoajáhat ja eallinfápmu.

Beroštit earáin

-prinsihpa mielde vuhtiiváldojuvvo energijavuogádaga ođasmuvvan vuohkin geahpedit lávdamáhtolaččat nuoskkidemiid Lappi iešguđet doaibmasurggiin ja nannet doaibmama li mearkkašahtti vahát - prinsihpa mielde.

Doaibmabidjoávžžuhusat

Doaibmabidjoávžžuhusaid bokte figgat dasa, ahte prinsihpat ja višuvdna ollašuvvet. Doaimmat čuvvojuvvojit strategiijas mearriduvvon vástideaddji kvalitatiiva indikáhtoriiguin.

Ávžžuhusat leat:

Ovddidit energijavuogádaga eanangoddelávvema bokte omd. riekteváikkuhuslaš energijamuddoeanangoddeláva ráhkadeapmi Lappis.

Ovddidit energijabuvttadeami girjáivuodá, mainna lasihit buhtes energijja buvttadeami, doarjut Lappi doaibmasurggiid nuoskkidemiid geahpedeami ja ovddosdikšundási bajideami ja guvllolaš fuolahussihkkarvuodá.

Ovddidit energijafidnuid searvadeami, gulahallama ja rievttesaigásaš, luotheahtti ja ávkkálaš dieđu buvttadeami.

Ovddidit gielddaid ja almmolaš suorggi doaibmiid searvama energijabeaktivilvuodasoahpamuššii badjái 2026–2035 (JETS).

Nannet gielddaidgaskasaš ovttasbarggu energijaindustriijaguovlluid ovddideapmái.

Doarjut energijasuorggi dutkan-, ovddidan- ja innovašuvdnadoaimma nannen dihtii guvllolaš máhtu ja lasihan dihtii riikkaidgaskasaš fidnobarggu.


Dálkkádatrievdamii vuogáiduvvama plána

Lappi dálkkádatrievdamii vuogáiduvvama plánas dárkkodit dálkkádatrievdama váikkuhusaid Lappii vuosttažin almmolaččat ja dasto iešguđetge doaibmasuorgái. Dálkkádatrievdama váikkuhusaide ráhkkaneari ja vuogáiduvvama doaibmabijut leat seamma láhkai ovdanbuktojuvvon iešguđetge doaibmasurggiid mielde. Lappi vuogáiduvvanplána lea okta vuosttaš guvllolaš vuogáiduvvama plánain Suomas.

Višuvdna ja mihttomearit

Lappi olbmot ja ealáhusat ráhkkanit ja vedjet bures nuppástuvvi dálkkádagas.

- Dálkkádatrievdamii vuogáiduvvan dahkkojuvvon almmolaččat dovddusin Lappis.
- Dálkkádatdieđuid gilvin ja doaibmasurggiid dálkkádatrievdamii vuogáiduvvama doarjun.
- Dálkkádatrievdama riskkaid ja váikkuhusaid dovđán oassin guvllolaš ráhkkananbarggus.
- Lappi kultuvrralaš ja ealáhuslaš erenomášiešvuodaid gáhtten nuppástuvvi dálkkádagas ja daid vuogáiduvvama ovddideapmi oassin riikkaviidosas ovdduidgohcimis.



Govva 5 Jagi gaskamearálaš liekkasvuodadili ovdáneapmi olles Lappis njealji dálkkádatrievdaneinnostusas jahkečuđi loahpa rádjái 30 jagi soddjilis gaskaárvun. Mađe buorebut nuoskkidangeahpedeamis lihkosmuvvat, dađi unnit dálkkádat lieggana.

Dálkkádatrievdama váikkuhusat Lappis

Dálkediehtaga lágádus ráhkada raportta Lappi vuogáiduvvanplána duogážii dálkkádaga áicojuvvon rievdamis Lappis ja boahhtevaš rievdamis nuoskkidaneinnostusaid mielde.

Raportta dehálamos áicamat:

- Lappi dálkkádat lea juo liegganan s. 1,3 celsiusgráda jagiid 1961–1990 veardádallanbajis dáláš dálkkádaga ektui
- Boahhtevaš lieggananovdáneapmi lea globála šaddoviessogássanuoskkidemiid duohken – Lappi dálkkádat lieggana vel jahkečuodji loahpa rádjái 2–6 gráda, muhto vuordimis 3–5 gráda.
- Buot eanemus rivdet Lappi dálvvit – muohtaáigodat oatnu, muohttaga mearri molsašuddá, dálvearvvit ja njázut lassánit.
- Jagiid ja jagiáiggiid gaskasaš molsašuddan lassána.

Dálkkádatriskkat Lappis

Dálkkádatriskka mearkkaša váikkuhusa, mii šaddá dálkkádaga variábelis, báidnašuvvamis ja raššodagas. Lappis ovdamearkka dihtii boazodoallit leat rašes joavku, mii lea dálkkádatrievdama váikkuhusaid vuolde ja lea dakko bokte stuorát riskkas go mánggat earát doaibmasuorggit. Raššodaga lasiheaddji fáktorat sáhttet laktásit ee. olbmo ássanbáikái, etnikalaš duogážii, skuvlendássái, ahkái dahje ássanbáikái.

Dálkkádatrievdama váikkuhusaid sáhtta juohkit njulges, refleksa- ja sirdašuvvanváikkuhusaide. Njulges váikkuhusat laktásit dálkkádahkii alcces (omd. báhkát), refleksaváikkuhusat fas speadjaluvvet eará báikkin máilmmis Lappii (omd. sirdolašvuohta) ja sirdašuvvanváikkuhusat laktásit nuoskkidemiid geahpedeapmái ja ruoná sirdašumi váikkuhusaide (omd. eanangeavaheapmi).

Dálkkádatrievdama váikkuhusaid Lappii árvvoštalle jagi 2025 vuosttamuš jahkebeali áigge iešguđetge doaibmasuorgái laktáseaddji bargobájiin miehtá Lappi. Árvvoštallamiin ledje mielde sihke njulges, ripple-effeakta- ja sirdašuvvanváikkuhusat. Vulobealde leat listejuvvon Lappi dáfus árvvoštallamiid dehálamos dálkkádatriskkat.

Njulges riskkat:

- Muohtaáigodaga oatnun ja muohttaga mearri molsašuddan dálvet
- Liekkasvuodadili molsašuddan 0-gráda goappát bealde
- Mearehisdálkkat
- Goikkádaga dábálažžan šaddan
- Arvviid lassáneapmi
- Vieris- ja easka boahmán slájaid dábálažžan šaddan
- Liekkasvuodadili badjáneapmi ja báhkaid nanosmuvvan

Refleksa- ja sirdašuvvanváikkuhusat:

- Goasttádusdási loktaneapmi (omd. buvttadannávccat)
- Váikkuhusat olbmuid golgamii (omd. mátkkošteapmi, sirdolašvuohta ja báhtareapmi)
- Ruoná sirdašumi investeremiid lassáneapmi ja sisabahkkemat
- Báikkálaš buktagiid ja bálvalusaid jearu lassáneapmi (omd. lagašbiebmu ja vátnačinat buktagat)

Lappi vuogáiduvvama guovddášdoaimmabijut

Ovddidit čovdosiid, maiguin sáhttit árvvoštallat ja ovddalgihtii eastadit dálkkádatrievdama ja iešguðetlágan eanangeavahanfidnuid negatiivvalaš váikkuhusaid birrasii, čáziide ja luondduriggodatsurggiide ja daid vuogáiduvvanmáhttui.

Arvvosmahttit ja doarjut iešguðet doaimmasurggiid vuogáiduvvanplánemii, mainna eastadit iešguðet doaimmasurggiid dálkkádatriskkaid ja ráhkkanit daidda.

Ovddidit ja gárgehit mángga anu ekonomijavuvddiid geavahanvugiid, mat dorjot vuovdeeaiggádiid mihttomeriid lassin čázadagaid ja vuovdeluonddu buori dili, vuvddiid vuogáiduvvanmáhtu nuppástuvvi dálkkádagas, boazodoalu, virkkosmahttingeavahusa ja čina čatnama.

Joatkit dálkkádatrievdama váikkuhusaide laktáseaddji dutkamuša ja diehtobuvttadeami ja nannet dálkkádatrievdamii vuogáiduvvanmáhtu oahppolágádusain, gielddain, ealáhuselágis ja guovloorganisašuvnnain ovdamearkka dihtii lágidemiin heivehuvvon lasse- ja dievasmahttinskuvlejumiid.


Meroštallat ja juohkit oktasaččat ovddasvástideaddji oassebeali/oassebeliid, geat koordinerejit guvllolaš dálkkádatrievdama vuogáiduvvanbarggu, ovddidit guvllolaš vuogáiduvvanbarggu indikáhtoriid ja vuolggahit systemáhtalaš vuogáiduvvama čuovvuma.

Ovddidit Lappii heivvolaš luondduvuðot čovdosiid ja lasihit daidda laktáseaddji máhtu. Ávkástaddat vuogáiduvvamis eanaš luondduvuðot čovdosiid ránes infrastruktuurra sadjái ovdamearkka dihtii dulveriskkaid ja arve- ja suddančáziid hálddašeamis ja maiddáid liekkasvuodasulluid eastadeamis.

Doarjut gielddaid ja guovlodoaimmiid eanangeavaheami plánemis, mas vuhtiiváldojuvvo dálkkádatrievdan oassin oktasašváikkuhusain ja eastadit dálkkádatriskkaid šaddama.

Dálkkádatgulalahallama ja -searvevuoda plána

Lappi dálkkádat- ja energiijastrategiija mihttomeriid ollašuvvan gáibida, ahte lappilaččat vásihit, ahte dálkkádatášši gullá sidjiide. Dán dihtii dálkkádatriikkavulošvuoda nannen lea okta dehálamos strategiijain Lappi dálkkádatbarggus ja dan vuhtiiváldin ja ovddideapmi lea mihá dehálaš strategiija doaibmama dáfus. Lappi dálkkádatgulalahallan ja -searvevuodaplána doaibmajuid mihttomearri lea ovddidit dálkkádatgulalahallama ja ovddidit lappilaččaid searvevuoda dálkkádatbargui.



Dálkkádatriikkavulošvuoda meroštallojuvvo Legitimacy2035-fidnus ná:

“Dálkkádatriikkavulošvuoda govvida riikkavuložiid oassálastinvejolašvuodaid ja doaibmaválmmasvuodaid sihke goahcan dihtii dálkkádatrievdama ja vuogáiduvvan dihtii dasa. Dálkkádatriikkavulošvuodii laktásit nannosit maiddá vejolašvuodas váikkuhit dálkkádatpolitihka ollašuhhtimii iešguđet dásiin. Dát lea njuolga čadnosis dálkkádatpolitihka vuoiggalašvuodii ja dan vásihuvvon dohkkehahttivuodii.”

Doaibmabidjovázžehusat

Vuhtiiváldojuvvojit searvevuodadoaimmain iešguđet álbmotjoavkkut

Searvadit ja gullat dálkkádatdoaimmaid plánemis erenomážit dálkkádatrievdama dáfus rašes álbmotjoavkkuid, geaid jietna doaisttáži ii leat gullojuvvon olus.

Doarjut Lappi doaibmiid dálkkádatgulalahallamis

Arvvosmahttit doaibmiid gaskkustit dieđuid iežaset dálkkádatčovdosiin. Doarjut dán nannemiin dálkkádatgulalahallanmáhtu, ovddidemiin diehtobuvttadeami ja -čohkkema ja lasihemiin resurssaid gulalahallama ollašuhhtimii, mii gáibida viiddes ovtasbarggu Lappi gielddaid, ealáhuslági ja eará doaibmiid gaskkas.

Ovddidit viidát dálkkádatbajásgeassima

Doarjut ja arvvosmahttit bajásgeassin- ja skuvlenorganisašuvnnaid vuhtiiváldit dálkkádatriikkavulošvuoda nannema oassin iežaset doaimmas ja dorrvastit dáid doaibmamii doarvái resurssaid. Figgat lasihit omd. Ruoná leavga -sertifikáhta ožžon skuvlen- ja bajásgeassinorganisašuvnnaid meari Lappis.

Buktit máidnasiid oassin dálkkádatgulalahallamis

Máinnaslaš dálkkádatgovvemiid bokte sáhttit áiccalmahttit dutkamuša vuodul dálkkádatrievdama váikkuhusaid. Eakti máidnasat ja ovdamearkkat lappilaš dálkkádatdoaimmain ja olbmui daid duohken, bukte dálkkádatbarggu lagabui báikkálaš olbmuid.

Ovddidit Lappi dálkkádatbarggu fierpmádaga

Dálkkádatbarggu váikkuhahttivuoda ja iešguđet doaibmiid searvevuoda nannema várás dahkat vejolažžan strategiijafidnus hábmejuvvon fierpmádaga doaibmama maiddá boahhteáiggis. Go fierpmádat doaibmá, de diehtu golgá.

Hábmet gulalahallansaji Lappi dálkkádatbargui

Gulalahallansaji mihttomearriin lea čohkket ja dahkat oinnolažžan Lappi dálkkádatbarggu doaibmajuid ovdáneami ja daid čuovvuma oktan mihttáriiguin. Gulalahallansaji bokte sáhtta doarjut gielddaid ja eará doaibmiid sin dálkkádatgulalahallamis, go guvllolaš dálkkádatdiehtu lea čohkkejuvvon ovttasadjái.

Nannet ovtasbarggu goallmát sektoriin

Servviid ollašuhhtin vuodđodási doaibma sáhtta dahkat konkrehtalaš daguid, mat ovddidit dálkkádatbarggu maiddá ássiid dásis. Goallmát sektoris lea mearkkašahhti rolla dálkkádatriskkaide ráhkkaneamis.

Kultuvra ja kreatiiva suorggit mielde dálkkádatgulalahallamii

Lappis leat guhkes árbevierut dárkkodit luondugaskavuoda ja birasnuppástusa kultuvrra ja dáidaga bokte. Kultuvrras ja kreatiiva surggiid máhtus lea potenciála veahkehit gieđahallat oppalaš, váikkuhusaidis dáfus geardu ja girjás dovdduid bohciidahtti dálkkádatrievdama mánggabealagit ja vásáhusaid bokte.

Ovddidit metodaid, mat nannejit searvevuoda

Iešguđetlágan searvadanmodeallaid iskan ja ovdánahttin juvssahahttin ja heivvolažžan Lappi eanangodái, hábme guvllolaš searvadeami kultuvrra, mii nanne dálkkádatdoaimmaid ja ruoná sirdašumi vuoiggalašvuoda.



Lapin ilmasto- ja
energiastategia

Lappi dálkkádat- ja energijasstrategiija -fidnu
ollašuhttet Lappi ealáhus-, johtolat- ja birasguovddáš
ja Lappi lihttu. Fidnu lea ožžon ruhtadeami Eurohpa
guovloovddidanruhtafoanddas (EAKR) ja dat
ollašuhttojuvvo 1.5.2024–31.12.2025.

Fidnu oppalaš bušeahtta lea 486 738 euro. Fidnu
váldoollašuhtti, nappo Lappi EJB-guovddáža
oppalašgolut leat 252 780 €, mas EU-ruhtadeapmi
202 224 €.

lapinluotsi.fi/lapin-ilmasto-ja-energiastategia



Euroopan unionin
osarahoitama



Elinkeino-, liikenne- ja
ympäristökeskus



LAPIN LIITTO